

STEPHANIE

ARMIN

CHRISTOPHS G'STANZL

## GSTANZLN FÜR STEFFI UND ARMIN

GRIASS GOTT BEIANAND / IHR LIABN LEIT  
I BIN DA CHRISTOPH / UND I SING EICH HEIT  
A KLOANS LIADL RECHT SCHEE  
I HOFF A JEDA KONS VERSTEH

WANN EPPA OANA / KOA BOARISCH NET KO  
NA DUADS MA LEID / DENN DER IS BLED DRO  
ES GIBT AN OANFACHEN TRICK  
NACH JEDER STROPHN LACHST MIT

ES GFREIT MI DASS HEIT / SOVUI LEIT KEMMA SAN  
ES IS JA RECHT WEIT, / MIR SAN 4 STUNDN GFAHN  
AM ARMIN FALLT DES NET SCHWER  
ER FAHRT GERN ZUM ESSEN HER

I KENN AN ARMIN JETZT SCHO / GUADE 10 JAHR  
DRUM VERZÄHL I EICH HEID / WIE DES OLLES WAR  
S HAT PIKANTE STELLN  
BITTE NET WEITER VERZÄHLN

A THEORIE SAGT DAS BEI DA / ZEUGUNG VOM KIND  
DER ORT DEN GANZEN / CHARAKTER BESTIMMT  
BEIM ARMIN KUMMT DES KLAR RAUS  
GARAG ODER AUTOHAUS

BEIM SPRECHALERNA / ZOAGT ER DES SCHO  
D' ELTERN SAN STOLZ / DES WIRD A ECHTA MO  
WIE DES KIND NED LANG ZAGT  
OIS ERSTS „AUDI“ SAGT

DO GEHT ER DANN HI / FANGTS ARBEITEN O  
A PAAR VON DIE GÄSTE / SAN IMMER NO DO  
ES SOI SCHO STRESSIG SEI  
ABER AUTOWASCHEN IST FREI

KMS HAT DES AUDI / MUSEUM GEPLANT  
DA HAMS UNS DEN ARMIN / VORD NOSN GESPANNT  
MIA HAM EARN GLEI GERN  
SCHLIMMA KUNNTS EH NIMMA WERN

ER WAR DA LEITER VOM / KOMMUNIKATIONSPROJEKT  
HAT ALLE FEHLER / SEHR GUT VERSTECKT  
DAS MAS SO FERTIG BRACHT HAM  
KONN I HEID NO NED GLABM

NACH DER ERÖFFNUNG / AM LETZTEN TAG  
FROG I EAN OB A / IND AGENTUR WECHSELN MOG  
ER DENKT SI: DES WIRD SCHEE  
FESCHE MADLN UND KAFFEE

ER FÜHRT GLEI A PAAR / INNOVATIONEN EI  
KERNZEIT IST NEU – VON ZEHN BIS UM DREI  
ABER JETZT MUASS ER WOHIN  
AUF AN AUSWÄRTSTERMIN

ALS MANAGER IS A IN / ALLEM VERSIERT  
WEIL ER SI NED SO / FÜR DETAILS INTERESSIERT  
IS DOCH WURSCHT WORUMS GEHT  
HAUPTSACH DA UMSATZ STEHT

ER HAT DA GANZ / BESONDERE QUALITÄTEN  
MIR WIASSTN NIMMA WAS MA / OHNE EAM DÄDN  
A NETTS DREIRADL SAN MIR  
ABER A GSCHEITS AUTO BRAUCHT VIER

WORK-LIFE-BALANCE IS / FÜR EAM KOA PROBLEM  
BEIM MANAGEN KONN A / NO IMMER WAS ERLEBN  
HAT BEIM BMW OANSA EVENT  
AN ZEHNA HASN KENNAGLERNT

STEFANIE HOASSTS / UND IS FREELANCERIN  
DOCH AUF DEUTSCH MACHT DES / GLEI NO MEHRA SINN  
DENN HEUT LIABE LEIT  
WIRD DIE FREIE GEFREIT

DAS SIE A BSONDERE IS / DES HOT A GLEI GSPANNT  
WEIL SIE WIRD VON DE KUNDEN / GRÄFIN GENANNT  
ER DENKT GE WEIDA „VON UND ZU“  
ICH SAG EINFACH „DU“

SIE SAN MÜNCHENS SCHÖNSTES / SOCIETY-PAAR  
AUF MINDESTENS 200 / EVENTS IM JAHR  
WÄHREND ER RE-PRÄSENTIERT  
HAT SIE OIS ORGANISIERT

DIE STEFFI IS GANZ NARRISCH / AUFS REITEN GEHN  
WENN IHR AUF DEM PFERDL / DIE HAARA WEHN  
DES MAG AUCH ER  
BLOSS AUF A PAAR PS MEHR

DE BEIDEN VERSTENGA SICH / WIRKLICH GUAD  
KENNA A OANFACH SO SEI, / WENN GRAD KOANA WAS DUAD  
GANZ STAAD SANS ALLE ZWOA  
DES KOMMT SONST SELTEN VOR

SO KUMMT MA SI NÄHER / UND IRGENDWANN  
STEHT DER ERSTE / HAUSBESUCH AN  
SCHLOSSTRASSE DREI  
DES FIND I GLEI

DA ARMIN MACHT AUF DA / KIESAUFFAHRT HOIT  
NEBA EAM WIRD DIE / MCDRIVE TÜTE KOIT  
WAS MACH I JETZT BLOSS  
DE WOHNTE WIRKLICH IM SCHLOSS

DIE GRÄFLICHEN ELTERN / SAN NED GLEI ERFREUT  
ES HAT SIE A BISSL DER / STAMMBAUM GEREUT  
800 JAHR WARS NED SCHWER  
DANN KUMMT DA ARMIN DAHER

NEILI GRIEG I AN BRIAF / „IT TAKES TWO“ STEHT DABEI  
DES WIRD DOCH NED / DIE HOCHZEIT SEI  
SEI WIAVIELTE IS DES JETZT GLEI  
AH JA – STEHT JA DABEI

ER IS A GUADA MENSCH / STEHT MITTEN IM LEBEN,  
KANNT AN SCHENA BAYRISCHEN / KINI ABGEBN  
ES IS LEICHT NET SCHICKLICH  
ABER D STEFFI IS GLÜCKLICH

SO WIRD MANCHES MAL EPPAS / VOM SCHICKSAL GELENKT  
ERSTENS ANDERS UND / ZWOATENS WIA MA DENKT  
WANNST ANKOMMA WUIST IM LEBN  
KONNST A MOI AN UMWEG NEHMN

ZWOA RIESIGE HERZEN UND / NO MEHR VERSTAND  
IHR SEIDS OANFACH / PERFEKT MITANAND  
MEINEN SEGEN SOLLT'S HAM  
UND A DEN VON DA DROBN

IHR LIABN I WÜNSCH EICH / DASS OIWEI GUAT GEHT  
DASS OANA DEN ANDERN / A LEBEN LANG VERSTEHT  
AUF DES STOSS MA O  
UND JETZT BIN I DAVO